

ձուցանել զնա 'ի խորհրդոց իւրոց։ Ուստի հարկ եղեւ Գրիգորի ծանուցանել զյանդգնութիւն առնն 'ի Դուռն Արքայի, և զգիրն ամբաստանութեան առաքեաց 'ի ձեռն պատգամաւորի 'ի Կոստանդինուպօլիս։ Գրեցաւ հրովարտակ վասն այսր, և պատուէր առ դատաւորն և առ քաղաքապետն երուսաղէմի։ Ընթեռնուլ զվաւերական գրեանս Հայոց և օրինօք Շէրիի քննել զխնդիրն, և ըստ տրամադրութեան նոցին խափանել զխորհուրդս Շէյխ Մէհմէտ Ալէմեայ և զայլոց, և չբռնանալ 'ի վերայ Հայոց հակառակ օրինաց և Կայսերական հրամանին, և մի' ունկն մատուցանել կեղծ և սուտ վկայիցն այլազգեաց, այլ արդարութեամբ լուծանել զխնդիրն, եւ ապա ծանուցանել 'ի Դուռն։

Ի հասանիլ հրովարտակին թէպէտեւ մերժեցաւ այլազգին, և խափանեցաւ դործ և խորհուրդ նորին, սակայն Հայք հանդիպեցան ծախուց և վնասուց՝ թող զաշխատութիւնն, և ԿՊ (1617)։ Իսկ Գրիգոր Պատրիարք մինչդեռ պատաղեալէր 'ի զբաղանս և տքնէր լուծանել զվէճս և զդատատանս, որ ընդ այլազգիս, Լատին կղերք ժամ' դիպող համարեցան ինքեանք եւս լինել խոչ ազգին, եւ յաւուր միում արդեւին զմիաբանս Հայոց յայրէն Ծննդեան Քրիստոսի, բարձին անտի զկանթեղս և զաշտանակս՝ եւ խափանեցին զպատարազելն եւ զհոգեւոր սաշտօնս նոցա, մինչ զխնկարկելն եւս սարկաւազին։ Թէպէտեւ բազում անգամ աղաչէր Գրիգոր Պարոն Տէր քաղցր եւ ողոր բանիւք թախանձէր զնոսա։ Զլինել առիթ կորստեան իրաւանց ազգին։ այլ չեղեւ հնար նմա ցածուցանել զկրօնամոլ բարկութիւնս նոցին։ այլ օր քան զօր բռնացեալ 'ի վերայ նորա հասուցանելին նմա չարիս։ հարստահարելին և կռիւելին զմիաբանս անարգանօք 'ի մտանելն նոցա յայրն Ծննդեան։ Իրեւ ետես Գրիգոր թէ չիք հնար միաբանիլ ընդ Լատինս, և յանդորրու պահել զիրաւունս իւր։ հարկադրեցաւ դիմել 'ի Դուռն Արքունի, և ծանուցանել ըզբռնութիւնս Լատինաց եւ զգրկանս ազգին իւրոյ։ վաւերական թղթովք հաստատեալ զսեփականութիւնսն։ Զայս ամենայն զգացուցին մեծամեծք դրանն առ Արքայն Զեւթեկոյնցեալ՝ և հրամանաւ նորին զրեցաւ հրովարտակ (Խաթ-